



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BOBEDI (P2)**

**TLHAKOLE/MOPITLWE 2016**

**MEMORANTAMO**

**MADUO: 80**

**Memorantamo o, o na le ditsebe di le 19.**

**KAROLO YA A: POKO****MABOKO A SETSWANA – MK Mothoagae****POTSO 1 (POTSO YA TLHAMO)**

**ELA TLHOKO:** Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 10 go tshwaya tlhamo ya motlhatlhojwa.

- Mmoki o gomotsa bagaabo mo kutlobotlhokong e e ba wetseng. O ba kaela gore botlhoko jo bo mo pelong tsa bona bo tlaa fela.
- O tlhagisa gore ba gomotsege gonne makolwane a bona a ka se tlhole a boa gape ka ba jelwe ke diphologolo tse di sa boifeng motho.
- Ba jelwe ke metsi a matala a a se nang bopelotlhomogi.
- Go ne go tswile banna tota ba digatlamelamasisi. Go tswile banna ba ba sa boifeng loso. Banna ba ba tswang mogang go le thata ba se na letswalo lepe. Ba sa boife sepe. Banna ba ba bogale bo gaisang jwa dibatana tsa naga. Makolwane a dipelo tse di thata.
- Fa o ne o ka ba tlhasela ka lonyatso, o re ke magatlapa, o ka ba tshosetsa ka seriti, o ne o tlaa di gama o sa di tlhapela. Fa o ne o le mosimane wa phala tsa pele, go ne go tlile go senyega, bojang bo ne bo se kitla bo tlhoga fa go neng go lwelwa gona.
- Ba ile bannatia, makolwane a a swang a huparetse thebe, re setse ka diatla tse di lolea. Bana ba fetogile masiela, magae a fetogile matlotla.
- Marapo a bona a kgwilwe ke ditlhapi tse dikgolo. Go ne go tswile banna tota. Go ne go ile banna ba ba neng ba sa boife loso. Banna ba ba tswang go le makgaphilakgaphila.
- Makolwane a go sa tshamekelweng mo go ona.

**[10]****KGOTSA****POTSO 2 (DIPOTSO TSE DIKHUTSHWANE)****NGWANAKA O TSETSWE – GK Setou**

- 2.1 Go godisa ngwana ka bothata, mme fa a gola a go tilhanogele/sotle. (1)
- 2.2 A kutlobotlhoko ya go sotlwa ke ngwana o mo tsetse. (2)
- 2.3 'Ka e tshwara bogaleng, ka re ngwana o ntswa mpeng'. (2)
- 2.4 Go thusa mmuisi go tlhaloganya bonolo se go buiwang ka ga sona ka go bapisa mosadi le monyo o o nyang le mariga, go kaya gore mosadi o tswa maano fa go le thata go tlamela lelapa la gagwe. (1)
- 2.5 Tlhatlagano ya bokao - go gatelela bokao jwa go supa fa mabogo a sa bolo go nna a dira e bile a setse a tsutsubane. (2)

- 2.6 Batsadi ba tshwanelwa ke go tlhokomelwa gonne ba re godisitse ka bothata/ Go nna le maikarabelo mo batsading fa ba setse ba tlhoka thuso ya rona. (Dikarabo tsa batlhatlhojwa tse di nepagetseng di elwe tlhoko.) (2) [10]

**KGOTSA****POTSO 3 (DIPOTSO TSE DIKHUTSHWANE)****LENTSWE LA MOLEDI – LD Raditladi**

- 3.1 Boikuelo jwa moledi gore a sekegelwe tsebe. (1)
- 3.2 Maikutlo a kutlobotlhoko ka gonne a sa reediwe mo go se a ikuelang ka ga sona. (2)
- 3.3 'Go twe nna ke sefofu, ke foufetse'. (2)
- 3.4 Go golaganya kakanyo e e tlhagelelang mo melathetong e e latelanang ntle le go dirisa lekopanyi. (1)
- 3.5 Tshwantshiso - mmoki o bapisa moledi le phologolo gonne a bidiwa jalo, mme fa go twe ke phologolo go raya gore ke lekaba. (2)
- 3.6 Lefoko le pelong ga le tshetse/motho ga a tshwanela go lelela teng, mme o tshwanetse go ntshetsa kwa ntle se se mo tshwenyang gore a bone thuso. (Dikarabo tsa batlhatlhojwa tse di nepagetseng di elwe tlhoko.) (2) [10]

**KGOTSA****POTSO 4 (DIPOTSO TSE DIKHUTSHWANE)****SEETEBOSIGO – LD Raditladi**

- 4.1 Botsididi jwa kgwedi ya Seetebosigo. (1)
- 4.2 Kutlobotlhoko - ka ntlha ya fa mariga a ama batho gammogo le ditshedi tsoitlhe. (2)
- 4.3 Ke go emela selo se sengwe ka go dirisa se se tsamaelanang naso jaaka mathare a tshwantshangwa le dinku tse di fulang mo phefong. (1)
- 4.4 'Mašwi kwa sakeng a tlaa nyelela'. (2)
- 4.5 Poeletsomodumo ya k - go utlwatsa modumo wa tumammogo k - go supa ka moo mariga a neng a le bogale ka gona, mme a dire lekoko loo koko go kokoana mosong go leka gore le ka iphemela jang mo serameng. (2)
- 4.6 Mariga ke setlha se se tsididi ka jalo re apare bolelo gore re se sitwe le gore re kgone go dira ditiro tsa letsatsi le letsatsi/ga re a tshwanela go eta ka kgwedi e, gonne re ka tsenwa ke serame ka moeng a adimiwa mpa fela. (Dikarabo tsa batlhatlhojwa tse di nepagetseng di elwe tlhoko.) (2) [10]

**POTSO 5 (DIPOTSO TSE DIKHUTSHWANE)****SEFALANA SA MENATE – LD Raditladi****SELELO SA TONKI – LD Raditladi**

- 5.1 Tonki e kopa gore motho a tlogele go e bogisa ka gone ke yona e neng e pegile Morena Jesu mo mokwatleng wa yona. (1)
- 5.2 Kutlobotlhoko/go ikuela mokgosi/go lela. (2)
- 5.3 'Ga ba nthate tota ba nkila lekonkong'. (2)
- 5.4 Go thusa go kibakibela ga mola wa leboko/go oketsa lebelo la moribo le moretheto wa molatheto ka go tlogela thuanyisediri, sekao 'ke bolo boemong jwa 'ga' ke bolo. (1)
- 5.5 Mothofatso - go naya tonki maikutlo a setho a go ikuela mo bareneng le Modimo gone e sa bolo go itshokela pogo e e leng mo go yona. (2)
- 5.6 Diphologolo ga di a tshwanela go sotliwa ka di le mosola mo bathong/ diphologolo le fa di sa bue di na le maikutlo. (2)  
(Dikarabo tsa batlhatlhojwa tse di nepagetseng di elwe tlhoko.) [10]

**PALOGOTLHE YA KAROLO YA A: 30**

**KAROLO YA B: PADI****POTSO 6 (POTSO YA TLHAMO)**

**ELA TLHOKO:** Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tiro ya motlhatlhojwa.

- Motswagauteng o godisitswe ke nokoagagwe ljelele le mmonamogolo Puso morago ga go romelwa ke mmaagwe Gokatweng kwa Motsitlane go tswa kwa Gauteng.
- Morago ga lesa la monnamogolo le mosadimogolo botshelo jwa ga Motswagauteng bo ne ba simolola go mela mebotwana ya mathata. Mosala o ne a busa Motswagauteng ka molao wa tshipi, a rekisa leruo leo a le tshwaetsweng a sa mo rerisa.
- Motswagauteng o ne a timetsa podi e go neng go twe ke Mmadinakana, se se ne sa mmakela masana a kokometse. Malomaagwe Mosala a mmetsa gore a bo a ineye naga.
- Motswagauteng o ne a idibadiwa ke serame se se tlhotseng se tlhasetse mo letsatsing leo. O ne a selwa ke monna yo go tweng Mokwepa. Mokwepa o ne a tumile thata mo motseng wa Motsitlane ka go gweba ka dithwe tsa batho. Fa Motswagauteng a utlwa lentswe la rre yo, a garoga letswalo a bo a tswala matlho gonne a ne a itse gore botshelo jwa gagwe bo fedile.
- O falodisitswe ke Gokatweng, mmaagwe Motswagauteng, fa a se na go lemoga gore kwana e go buiwang ka yona ke morwa wa gagwe.
- Motswagauteng o ne a sasanka le mebila a sa itse kwa a yang gone. O ne a kopana le basimane ba apere makgasa jaaka ena. A lemoga fa e se ena fela a tsaletsweng tshotlego. Fa a se na go itshwantshanya le bona, ba mo atamela, ba mo phuruphutsha. Fa ba sa ntse ba mo phuruphutsha, koloi ya mapodisa ya goroga, ba le botsa phokoje. O ne a kgona go phamola se e leng sa gagwe le ena a inaya naga.
- Fa a goroga mo Foreiborogo, a tsalana le mosimane mongwe a bidiwa Kabo. Ena le Kabo ba ne ba thusa go pega dithoto tsa bareki go ya kwa dithekising. Motswagauteng o ne a supetsa mapodisa mosimane yo a neng a phamoletse mosadimogolo sekgwama sa madi, a ba bontsha fa senokwane se, se latlhetseng sekgwama gona. Ba betsa senokwane le go se latlhela mo koloing, ba bona le sekgwama sa madi.
- Motswagauteng a teketwa ke batho ka ntlha ya go thusa Mosweu yo. Ba ne ba re Motswagauteng a ka bo a sa thusa gonne motswasetlhabelo e se Montsho. Motswagauteng o ne a tshaba kwa bookelong.
- Fa a ntse a lalara le naga a iphitlhela a setse a le mo Johaneseborogo. Fa a tsena mo khefing a thulana le lekau le le neng le mo latofaletsa go mo thula. Motswagauteng a palelwa ke go efoga ntwana e lekau le e boloditseng. Ba kgaoganngwa ke mong wa lebenkele. Madi a ne a tlhakane le mamina a mofikela. A gotlholala botlhoko. Motswagauteng o ne a thusiwa ke *Alberto* le *Salamina*, ba mo poma le meriri. E rile fa Motswagauteng a bona ba naya mosadi mongwe meriri ya gagwe, a simolola go tshoga. A lemoga fa a tlile go dirwa leswalo go ise go ye gope.



- 7.9 Sepoko o ne a rotloetsa Motswagauteng go tseno sekolo le fa e ne e le ngwana wa mebila gore ditiragalo tsa padi di tswelole pele. (2)
- 7.10 Ba ne ba tswelole morero wa tsholele ka go teketa Motswagauteng, ba kaya fa motho yo o phamoletsweng madi e le Mosweu, e seng Montsho, go re poloto ya padi e phuthologe. (2)
- 7.11 Ke ne ke tlaa ba koba mo tirong gonne ba ne ba dira se se neng se le kgalhanong le tiro ya bona/ke ne ke tlaa ba baya nakwana dingwaga di le pedi kwa gae ntle le tuelo.  
(Dikarabo tsa batlhatlhojwa tse di nepagetseng di elwe tlhoko.) (2)
- 7.12 Ee - gonne o bone tuelo ya molato o a o dirileng, o kotutse se a se jetseng. Nnyaya - mongwe le mongwe o ithuta ka diphoso tsa gagwe/o thusitse puso ka bopaki bo a neelaneng ka bona.  
(Dikarabo tsa batlhatlhojwa tse di nepagetseng di elwe tlhoko.) (2)
- 7.13 Boitshoko bo tsala boitumelo/Go amogela se o leng sona mo botshelong.  
(Dikarabo tsa batlhatlhojwa tse di nepagetseng di elwe tlhoko.) (2)

**[25]****KGOTSA****POTSO 8 (POTSO YA TLHAMO)****OMPFILE UMPHI MODISE – DPS Monyaise**

**ELA TLHOKO:** Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

- Motlalepule o ne a tshola ngwana le lekolwane la tedu tsa katse ka ntlha ya bosula le lefufa la ga Thandi.
- Motlalepule o sasanka le mebila a batla kwa a ka isang ngwana wa gagwe, gore isago a tle go mo tsaya, fa a se na go mmonela legae le le bothitho. A kopana le mosadimogolo mongwe yo o neng a leka go mo thusa. Fa ba ntse ba tsamaya ba kopana le lepodisa. Ba ngunanguneletsa tlase, morago ga sebakanyana a supa ka monwana ntheng ya borwa. Motlalepule o ne a tlogela ngwana kwa kgodisetsong. Fa a tswa foo sefatlhego sa gagwe se ne se hupile manyaapelo.
- Tsatsi lengwe le lengwe a tshwantshanya Mosidi le mogoloe yo e neng ya re a le mo tlalelong, a mmitsa Omphile.
- Motlalepule e ne e re fa a bona basimanyana ba tshameka, a bo a gopola ngwana wa gagwe. Mo motseng ba ne ba setse ba mo teile leina ba re ke Dinalana, gonne o ne a okomela ngwana mongwe le mongwe yo a rakanang nae fa morago ga ditsebe, gonne a ne a beile morwa wa gagwe letshwao fa morago ga tsebe.
- Botshelo bo ne bo sa iketla mo lelapeng la MmaMosidi le RraMosidi gonne pelo ya ga Motlalepule e ile kwa ngwaneng yo o kwa kgodisetsong. Tsatsi lengwe mmaMosidi o ne a ipeta pelo. A bolelela monna wa gagwe gore ba ye go ipatlela ngwana wa mosimane kwa kgodisetsong. Leano e le gore a tle a kgethe Omphile wa gagwe gore a tle go ora molelo wa ntlo ya gaabo.

- Leano le, le iteile kwa ntle gonne fa ba goroga kwa kgodisetsong, ba fitlhetse maloba e le maabane. Ntekwane mosimane o kwa tengnyana teng ya lefatshe, ke modisa wa dikgomo tsa ga monnamogolo Ofentse.
- Mosadi o ne a ralala lefatshe a na le tsholofelo ya gore tsatsi lengwe o tlaa kopana le morwae. O ne a na le tsholofelo eo gonne mosadimogolo Malebela o kile a mmolelela gore selo se a se batlang, se kwa teng ga lefatshe, mme tsatsi lengwe o tlaa se bona.
- MmaMosidi o ne a setse a otlhegile, e bile go bontsha gore dikolojana ga di sa tlhole di le mmogo. Go ne go sa fete letsatsi a sa selwa mo mmileng. RraMosidi a leka dingaka a bo a leba ka matlho fela.
- Modise jaaka e ne e le tlwaelo ya mokgatlho wa gaabo go lekola bagodi le balwetse, ba ne ba ya go lekola MmaMosidi. Mosadimogolo o ne a letse a mo lora go le bosigo jwa maabane. MmaMosidi a biletša Modise fa gaufi le ena, gonne o ne a setse a lemogile gore ke morwae yo a sa bolong go mmatla.
- Modise a ya go khubama mo pele ga MmaMosidi, a mo keleka mo tsebeng ya moja. MmaMosidi a simolola go roroma jaaka motho wa letshoroma. Fa Modise a tlola a re o a mo tshwara, mosadimogolo a ngaa jaaka ntšwa e gatile legala. MmaMosidi o ne a bitsa leina la Omphile. Fa a mo šeba, a bona MmaMosidi a phaphaletse sefathlego, ngaka ya fitlhela maloba e le maabane.
- Motho ga a itsiwe e se naga. Ya re go ntse go phurutlhololwa, motho a rakana le letlojana. Fa ba bula ba kopana le pampitshana mo teng e kwadilwe ka matsogo a a roromang: 'Modimo o intshwarele. Batho thusang ngwanake, o kwa Olanti. Ke mmeile letšhwao ka fa morago ga tlhogo.'

[25]

## KGOTSA

### POTSO 9

#### **OMPHILE UMPHI MODISE – DPS Monyaise**

- 9.1 Naga ya Matile e ne e sa tlhole e ntsha dijalo ka tshwanelo. (2)
- 9.2 O tswelletsa padi ka go rotloetsa bana ba Matile go tsena sekolo ka tlhomamo. (2)
- 9.3 O thusa go senola morero wa padi ka go rotloetsa bana botlhe mo motseng le Modise go tsena sekolo le fa ena a sa bona lesedi la thuto ya sekgoa. (2)
- 9.4 Omphile - Modimo o mphile ngwana wa mosimane yo o neng a tlhoka rraagwe.  
Umphi - leina le Omphile a neng a ipitsa ka lone kwa sekolong.  
Modise - ke leina le a le filweng ke monnamogolo Ofentse ka a ne a sa bolo go tlhoka modisa. (3)
- 9.5 Go nna bonolo ga gagwe go dirile gore Motlalepule a etegele ka go batlana le ngwana mo sephiring gore poloto ya padi e phuthologe.  
(Dikarabo tsa batlhatlhojwa tse di nepagetseng di elwe tlhoko.) (2)
- 9.6 Ee - gonne Thandi o ne a fufegela bontle jwa ga Motlalepule. A bona mokgele o mo tswa dinaleng, o tsewa ke motho a tla a eme ka dinao. (2)



- 9.7 Go tswaledisa ditragalo tsa padi ka go dira gore Modise a kopane le Motlalepule yo o sa bolong go mmatla botshelo jotlhe jwa gagwe. (Dikarabo tsa batlhatlhojwa tse di nepagetseng di elwe tlhoko.) (2)
- 9.8 Ke ne ke tlaa ikisa kwa kgosing go kopa madi a go tsweletsa dithuto/ke ne ke tlaa kopa balosika go nketleetsa mo tsweletsong ya dithuto tsa me. (Dikarabo tsa batlhatlhojwa tse di nepagetseng di elwe tlhoko.) (2)
- 9.9 O kgonne go fodisa Modise le go mo thusa mo maibing a a neng a le mo go ona. Fa Modise a ka bo a tlhokafetse, poloto ya buka e ka bo e sa tswelela pele. (2)
- 9.10 Ee - gone e tlaa re morago o ye go mo tsaya fa o sena go mmatlela bonno jo bo siameng.  
Nnyaya - motsadi mongwe le mongwe o tshwanetse go baakanyetsa ngwana wa gagwe pele a goroga. Motsadi mongwe le mongwe o tshwanetse go ikgodisetsa ngwana wa gagwe, e se re kamoso a baya batho ba bangwe molato fa ngwana a fapogile. (Dikarabo tsa batlhatlhojwa tse di nepagetseng di elwe tlhoko.) (2)
- 9.11 Kgodiso e e bothitho ya ga monnamogolo Ofentse e betletse Modise bokamoso jo bo phatsimang. (2)
- 9.12 Ee - gone o re rutila gore re se ka ra latlha bana ba rona/re tshwanetse go ikgodisetsa bana/re tlhokomele batho ba re tshelang le bona segolobogolo ba re dirang le bona. (Dikarabo tsa batlhatlhojwa tse di nepagetseng di elwe tlhoko.) (2)

**[25]****KGOTSA****POTSO 10 (POTSO YA TLHAMO)**

**ELA TLHOKO:** Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

**MASEGO – G Moka**

- Go belesediwa ga gagwe kwa sekolong go ne ga mo tsenya matlho a barutwana le barutabana, mme a latlhegelwa ke isago e e phatsimang.
- Rraagwe ga a ka a dumela se a se bonang ka mosetsana yo a imileng. O ne a mmetsa a bo a ya go amogelwa kwa bookelong. O ne a ya go nna le mmangwanaagwe yo o neng a agile mo Phelindaba gore a tle a kgone go bona dingaka ka bogaufi mo bookelong jwa Kalafong.
- Masego o ne a godisetsa ngwana wa gagwe Sello mo mathateng a a seng kana ka sepe. O ne a nna mo megwaafatsheng ya Mmakau le morwae Sello yo a mo godisitseng bokete.
- Botshelo jwa ga masego bo ne bo sekwa le badimo. Dingaka di le mo tsietsing e kgolo. Go sa itsiwe gore go falodisiwe ngwana kgotsa mmaagwe.

- MmaSontaga ka ntlha ya bogolo, a mo naya tiro ya gagwe kwa ga *Solly* le *Cathy*. Ba ne ba rata Masego o ne a tshwanelwa ke go dira kwa dikhitshining ka ntlha ya go batla go direla ngwana wa gagwe.
- Masego o ne a sa rate fa ngwana wa gagwe a ka tsena mo dipolotiking tsa metlha eo. Gangwe le gape a mo lemosa fa thuto e tla pele, dipolotiki morago.
- Ka ntlha ya maemo a dipolotiki mo Aforikaborwa, ba ga *Lazar* ba ne ba tswa mo nageng ya rona morago ga gore ntlo ya bona e jwe ka molelo. O ne a simolola go tshela le *Vusi Mngoma* yo o neng e le mongwe wa baeteledipele ba dipolotiki mo Aforikaborwa. Ba bonana ka go ikutswa, botshelo bo se bonolo.
- Masego ya nna gone a nnang le maikutlo a lorato mo pelong ya gagwe morago ga go itsane le *Vusi*. Morago ga petelelo ya gagwe, o ne a ipoleletse gore ga a kitla a ratana. Banna ba le bantsi ba lekile fela ba paletswe.
- Vusi le Masego ba godisitse Sello mo thutong. *Vusi* o ne a thuntshiwa ke mapodisa gonne go ne go twe ke mmelaelwa mo dikgaruuruung tse di neng di tsogile mo Aforikaborwa. Go ne go twe ke ena mongwe wa batho ba ba neng ba tshedisetsa batho moseja.
- Sello a somarela sengwe le sengwe se mmaagwe a neng a mo ruta sona. Dithoto tsa ga *Vusi Mngoma* di ne tsa abelwa bana ba gagwe le mosadi wa ntlha wa ga *Vusi*. Sello ena o ne a tswetsa dithuto tsa gagwe pele.
- Kgwedi di se kae morago ga go boela kwa Mmakau, Goabaone a ikela badimong. A utlwa botlhoko thata, mme a apara kobo e nngwe e ntsho godimo ga ya ntlha mo pelong. A gomodiwa fela ke tswelelopele ya mosimane wa gagwe, Sello, kwa sekolong.

[25]

### KGOTSA

#### POTSO 11: MASEGO – G Moka

- 11.1 Go kopa Masego go tsena sekolo kwa Sedimosang. (1)
- 11.2 Rre Kgotle e ne e le morutabana wa ga Masego pele a ya go tsena kwa Sedimosang. (2)
- 11.3 Masego o ne a sa tihole a baya makau sebete. A ikanne gore a ka se ratane le ope mo botshelong jwa gagwe. (2)
- 11.4 Rre Motsepe o ne a kalediwa ka a ne a bolaya base *Schalk* gonne a ne a ipusolosetsa go bediwa ka sebepi. (2)
- 11.5 O kgaogantse batho ba ba godileng mmogo ba ratana e bile ba tshameka mmogo, go se letsapa le ba fisang pelo. (2)
- 11.6 Ee - gonne ka motsi wa tlhaolele fa o amega mo polaong ya mosweu, le wena o ne o bolawa.  
Nnyaya - Ga re a tshwanela go seka motho, mme re seke molato ka base *Schalk* e le ena a simolotseng go itaya Rre Motsepe.  
(Dikarabo tsa batlhatlhojwa tse di nepagetseng di elwe tlhoko.) (2)

- 11.7 Go nna lerato ga ga *Vusi* mo go Masego go thusitse Masego go tlhokomela Sello go ithutela pele gore poloto ya padi e tswelele pele. (2)
- 11.8 O ne a tlhokomela ngwana wa gagwe le go mo rotloetsa gore a rutege. (2)
- 11.9 Maikarabelo – Ka a sa batle go neelana ka ngwana, mme a sa itse gore kwa a yang gona o tlaa tlhokomelesega jaaka fa a le mo gae. (2)
- 11.10 Ke ne ke tlaa amogela ka tlhokomela setlogolo, mme mmaagwe a ya sekolong/ke ne ke tlaa kopa gore a lemolole/ke ne ke tlaa mo koba mo ntlong gonne ke ne ke sa mo roma gore a ye go ima.  
(Dikarabo tsa batlhatlhojwa tse di nepagetseng di elwe tlhoko.) (2)
- 11.11 Ke ne ke tlaa kgaogana le ena/ke ne ke ka se dumele gore a nthaele gonne mongwe le mongwe a itse se a se tletseng mo sekolong.  
(Dikarabo tsa barutwana tse di nepagetseng di elwe tlhoko.) (2)
- 11.12 Ee - mmaagwe o ne a ka mmatelela diketleetsa/basari mo mafapheng a a farologaneng segolobogolo ka a ne a le botlhale.  
Nnyaya - madi a ka bo a sa lekana go mo isa sekolong.  
(Dikarabo tsa batlhatlhojwa tse di nepagetseng di elwe tlhoko.) (2)
- 11.13 Magaleng ga go iwe gabedi/go se tshepe ditsala/go godisa ngwana wa gago.  
(Dikarabo tsa batlhatlhojwa tse di nepagetseng di elwe tlhoko.) (2)

**[25]****KGOTSA****POTSO 12**

**ELA TLHOKO:** Mo tllhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

**DITLHANGWA TSA SETSO – G Leeuw le ba bangwe**

- Mo tlhologong ya Bakgatla ba ga Kgafela, bogosi bo a lwelwa, fa Kgosi Molefi Pilane 'a Pheto a ne a disitse sope la ga mmaagwe, e bong Seingwaeng 'a Lekanyane ka a ne a tlogeletswe motse ke mogolowe.
- Kgotlomaswe o ne a itlhome mo bogosing fa Kgosi Molefi Pilane 'a Pheto a tlhomilwe semmuso. Bakgatla ba ga Kgosi Molefi Pilane ba ne ba phatlaladitswe ke puso e e makgwakgwa ya ga mogoloe Kgosi Molefi Pilane, fa Bakgatla ba ga Kgafela ba phatlaladitswe ke bogosi jo bo lwelwang, le Moselekatse yo o neng a ripitla merafe ya Batswana.
- Kgosi Molefi Pilane 'a Pheto ke kgosi thothobolo o olela matlakala, o phutha morafe o o neng o phatlaletse, fa Bakgatla ba ga Kgafela ba ne ba se na kgosi, go ne go le dintwa. Molefe morwa Pheto o ne a ba phutha, mme a ba busa. E rile Pilane a tla, a mo neela bogosi ka kagiso. Matebele a ga Moselekatse a ne a phatlalatsa morafe wa Bakgatla, mme a ba gapa ka bontsi.

- Kgosi Molefi Pilane 'a Pheto o ne a tshwanetse go siamisa diphoso tse di dirilweng ke mogolowe ka go thiba diphatlha tse a di phuntseng mo morafeng.
- Kgamanyane e ne ya nna moeteledipele wa morafe wa Bakgatla, mme a se ka a busa lobaka lo loleele. Ke ena a isitseng Bakgatla kwa motseng wa Mokwena ka ba ne ba tshaba go tshwenngwa ke Maburu.
- Go ne ga nna le kgolagano magareng ga Bakwena le Bakgatla go thusana motsing wa ntwana. Kgamanyane ga a ka a bona kagiso go tswa mo go Sechele ka a ne a rata fa Bakgatla ba ka mo ntshetsa dimpho. Morago ga Kgamanyane go ne ga busa Lentswe yo o neng a rata boruti e bile a rata bodumedi.
- Kgosi Molefi Pilane 'a Pheto o ne a tshwanetse go batla matimela, a a gorose mo motseng fela jaaka modisa a tswa go batla dikgomo tse di timetseng.
- Matimela a, a ne a phatlaetse le naga, ka bangwe go utlwelwa ba le kwa Kapa, fa bangwe ba le kwa Natala. Ba ne ba na le Dikobe, ngwana wa ga Nthite, mme bontsi jwa bona bo iphetotse maina, ba ipitsa boJohanese gonne ba ne ba boifa go bolawa. Banna bangwe ba tlogetse basadi, mme basadi le bana ba setse ba tsofala, e bile ba sotlega. Makau a sa le a ile majako, ba a inyadisa ba bo ba itlhadisa. Bontsi jwa banna bo falaletse kwa Kiriisetoropo, fa basadi bona ba tshabetse Tlhabane.
- Kgosi Molefi Pilane 'a Pheto o ne a tshwanetse go phutha basadi, ka bangwe ba bona ba tlogetse banna ba ba ba nyetseng. Go sa le go twe ba ile go jaka, mme ga ba romele sepe kwa gae.

**[25]****KGOTSA****SETLHARE SA METLHOLO LE MOSADI – CLS Thobega le ba bangwe**

- 13.1 Dianelabatho – banaleseabe ke batho le fa setlhare se bua ka gonne se mothofaditswe. (2)
- 13.2 Go jaka ka loleme.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.3 O mothofaditse tlhapi go supa mokgwa o Keneetsweng a thelelang ka maaka ka gona. (2)
- 13.4 Go dira gore naane e se lebalege/go natefisa naane. (1)
- 13.5 Go ruta batho go efoga go jaka ka loleme gonne go na le ditlamorago tse di sa siamang/ga go sepe se se sa tsweleng mo pontsheng kwa bokhutlong/maaka a maoto makhutshwane.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.6 Ga go dumelesege le go tthaloganyesega gore setlhare se ka bua, sa tsamaya, sa ba sa goga motho leleme/motho a ka fetoga jang tshwene. (2)
- 13.7 A tlogele go bua maaka ka batho ba a tshelang nabo gonne ditlamorago tsa teng ga di a siama.  
(Dikarabo tsa batlhatlhojwa tse di nepagetseng di elwe tlhoko.) (2)

- 13.8 Go tla go kgopisa batho ba ke tshelang nabo ka go ba akela gonne nka tsena mo dipharagobeng.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.9 Ke la segologolo  
Ga le a kwalwa ka ditemana/le a rorisa/puo ya teng e bofitlha.  
(Dikarabo tsa batlhatlhojwa tse di nepagetseng di elwe tlhoko) (2)
- 13.10 Ke mminatholo/moanatholo/ga a tshwanelwa go tlakatlakelwa. (2)
- 13.11 Tlhatlagano - go gatelela bokao jwa go supa go tlotlomadiwa ga ga mogaka *Sol Plaatjie*. (2)
- 13.12 Go re lemosa seabe sa mmokiwa mo bokwading le dipolotiking tsa Aforikaborwa/go lemosa mmokiwa gore bonatla jwa gagwe bo a bonala, bo a tlhokega, e bile bo a itumelelwa. (2)
- 13.13 A boitumelo/boikgantsho/boipelo-ka ntlha ya ditiro tsa gagwe mo setšhabeng soorantsho. (2)

**[25]****PALOGOTLHE YA KAROLO YA B: 25**

**KAROLO YA C: TERAMA****POTSO 14 (POTSO YA TLHAMO)**

**ELA TLHOKO:** Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

**MATSAPA DI A TSAYA KAE? – SS Mokuu**

- Ee, ditiragalo tsa teramakhutshwe, 'Batho ga ba tshwane', di tsamaisana le setlhogo.
- Moremi o farologana le banna ba bantsi ka go thusa Nnaniki, mosadi wa gagwe go anega diaparo.
- Ga ba bantsi banna ba o fitlhelang ba thusa basadi ba bona ka go tlhatswa diaparo.
- Bangwe ba ka feleletsa ba re Moremi o apere jase kgotsa mosadi o mo itebagantse.
- Fela Moremi ga a ise dilo tse di ntseng jaana kwa tlhogong, o thusa mosadi wa gagwe ka boineelo le lerato.
- Se se mo farologanya le batho ba bangwe gore ka nnete batho ga ba tshwane.
- Moremi o tthagisetsa mogatse ntlha ya gore ba tshwanetse go batlela mosadimogolo motho yo a ka nnang le ene.
- O tthagisa kakanyo ya gore ba batle motho wa kwa kgakala ka gore balosika ba ba phuagantse fa ba ne ba ba kopile.
- Tiro ya mofuta o mo malapeng a mantsi go tiwaelegile e dirwa ke bana ba basetsana, fela kwa ga Moremi ke ene a e dirang.
- Se se supa gore ruri batho ga ba tshwane ka mo lebakeng le, e dirwa ke motho wa monna, Moremi.
- Fa mosadi wa ga Moremi a kaya gore batho ba kwa kgakala ba ka ba udubatsa ka go ba utswetsa dithoto, Moremi o mo tlhalosetsa gore batho ga ba tshwane.
- Fa *Nomalanga* a goroga le *Nobuhle*, o amogelwa ke Moremi e seng Nnaniki. Se se farologana le mo malapeng a mangwe moo *Nomalanga* a tshwanetseng ke go amogelwa ke mosadi wa lelapa, e seng monna.
- Ka jalo se se senola fa lelapa la ga Moremi le sa tshwane le malapa a mangwe, fa ruri batho ba sa tshwane.
- Moremi ga a ka a tswa pelo fa a bona *Nomalanga* jaaka o ka fitlhela go diragala mo gongwe.
- Se, se supa fa Moremi a sa tshwane le batho ba bangwe, a sa raelesege bonolo fa a bona lerama le le setlhana.
- *Nomalanga* o fetile a dira ka natla, a tlhokomela mosadimogolo bontle le go mo phutha. A dira go farologana le ngwana wa mmangwanaabo Moremi.
- Fa mosadimogolo a sena go tlhokafala, Moremi o bolelela *Nomalanga* gore o mmatletse tiro kwa mooking mongwe. *Nomalanga* o gana tiro eo le go bolelela mooki Matlhare gore baoki ga ba na tshwaro e ntle mo bathusing ba bona.
- Ga se batho ba bantsi ba ba ka buang nnete jaaka *Nomalanga* mo pele ga mooki Matlhare. Se se supa fa batho ba sa tshwane e le ruri.

**[25]****KGOTSA**

**POTSO 15****MATSAPA DI A TSAYA KAE? – SS MOKUA**

- 15.1 MmaMoremi. (1)
- 15.2 Mmatsalaagwe Nnaniki. (1)
- 15.3 O tsentswe bokoa ke go kgarakgadiwa ke loso lwa monna wa gagwe. (2)
- 15.4 Ngwana wa mmangwaneagwe Moremi o ne a sa tlhokomele mmaagwe Moremi sentle.  
A se na nako ya gagwe.  
A bona fa mosadimogolo a mo kgoreletsa mo mekgapheng ya gagwe. (3)
- 15.5 Motho yo o lerato le pelotelele. (2)
- 15.6 O thusa go batlela *Nomalanga* tiro kwa ga mooki Matlhare morago ga go tlhokafala ga ga mmaagwe. (2)
- 15.7 Motho yo o lerato, yo o pelotelele, yo o tswang kwa ntle. (2)
- 15.8 Tenego - ya gore *Nomalanga* o gana tiro ka ntlha ya magatwe a a sa itseng bonnete jwa ona.  
Kutlwelobotlhoko - ka gonne kwa gabone ke tlala fela. (2)
- 15.9 *Nomalanga* o ne a rata mosadimogolo ka pelo ya gagwe yotlhe.  
O ne a rata lelapa la ga Moremi thata, fa a tshwanetse go ya gae o ne a gana.  
O ne a le pelotelele ya go tlhokomela MmaMoremi.  
(Di le PEDI fela) (4)
- 15.10 Yo o nang le botho jo bo itsetsepetseng, jo bo ka se refosanelweng ka madi. (2)
- 15.11 Ke ne ke tlaa mo kopa gore a tseye tiro, mme fa a lemoga bonnete jwa magatwe ao, a tlogele ka gangwe/ke ne ke tlaa mo solofetsa go mo okeletsa tuelo fa a ka ntirela.  
(Dikarabo tsa batlhatlhojwa tse di nepagetseng di elwe tlhoko.) (2)
- 15.12 Ga go botlhale go tsaya ditshwetso ka ntlha ya magatwe a a iseng a go diragalele/go se akaretse batho mo dilong tsa magatwe ka gonne re le batho ga re tshwane/gore le fa gone lefatshe le senyegile, go sa ntse go na le batho ba ba botho. (2)

**[25]****KGOTSA**

**POTSO 16 (POTSO YA TLHAMO)**

**ELA TLHOKO:** Mo tlamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

**GA SE LORATO – MJ Magasa**

- Ee, ditiragalo tsa terama, 'Ga se Lorato', di tsamaisana le setlhogo go ya ka seo makgarebe a a neng a kaya fa a rata Motsamai, a neng a dira ka gona, mme kwa bofelong maikaelelo a bona a bontsha fa ba ne ba sa mo rate.
- Motsamai le ena o ne a kaya fa a rata makgarebe ao, fela seo ga se kaye gore ke lorato.
- Se Motsamai a neng a se dira mo go Gadifele ga se lorato, gonne a mo nyetse, mme fela a mo keta diketo.
- Kwa tshimologong, Motsamai o tsena mo leratong le *Angeline* yo o kayang gore o rata Motsamai.
- Motsamai o adima madi kwa tirong go mo agela ntlo, a bo a mo tsenyetsa motlakase. O direla *Angeline* dilo tsotlhe tse a batlang a mo direla tsona ka bonako mo nakong e khutshwane ya lerato la bone. Tsotlhe tse, di diragala ka maitlhommo a lerato.
- Fa *Angeline* a lemoga gore Motsamai o mo diretse tsotlhe tse a neng a batla a di mo direla, o a mo koba, mme se se supa fa go ne go se na lerato.
- *Angeline* o ne a dirisa lerato go rafa se a neng a se batla mo go Motsamai.
- Morago ga *Angeline*, Motsamai o kaya fa a iponetse lerato mo lekgarebeng le le bidiwang *Suzan*.
- Bobedi bo tswelela jalo ka lerato, mme Motsamai o direla *Suzan* tsotlhe tse a di batlang ka maitlhommo a gore o dira tse mo leineng la lerato.
- *Suzan* o tshalosetsa Motsamai maele a gore ba ka dira kgwebo gore ba oketse letseno la bona. Ba reke bene gore ba rekise merogo, mme morago ba age lebenkele.
- Tse tsotlhe tse, Motsamai o di dira ka kgopolo ya gore o a rata e bile o a ratwa.
- Morago ga go lemoga gore Motsamai o dirile tsotlhe tse a neng a di batla, o thaba Motsamai ka tsela, mme se se lemosa gore go ne go se na lerato kwa ntlheng, *Suzan* o ne a itse se a se batlang.
- Morago ga go phuagangwa ke *Suzan*, Motsamai o kopana le *Gladys* yo le ena a kayang fa a mo rata ka la o ka swa nka go ja.
- Motsamai o mo tlabololela ntlo a bo a mo tsenyetsa metsi. Kwa bofelong, monna wa ga *Gladys* o boa kwa bokgwelwa, mme o feta a duedisa Motsamai go nna le mosadi wa gagwe.
- Tsotlhe tse a di diretseng *Gladys* ka maitlhommo a lerato, o a di tlogela.
- Dilo tsotlhe tse di diragaletseng Motsamai go tswa mo makgarebeng a gagwe a mararo, di supa fa tota e se lerato, mme e le go rafa moraba o o phunye gileng.

**[25]****KGOTSA**



**POTSO 17****GA SE LORATO – MJ Magasa**

- 17.1 *Angeline*  
Gosekwang  
Lenkapere (3)
- 17.2 Motsoko (1)
- 17.3 *UTC (United Tobacco Company).* (1)
- 17.4 Ka gobo ba sotlega ka gore rraabone a sa ba tlamele ka gope. (2)
- 17.5 Go latlhegelwa ke tiro le tsothe tse a neng a na le tsona. (2)
- 17.6 Ngwana o ikgolela fela ka thuso ya batho ba ba pelotlhomogi le molemo. (2)
- 17.7 Go itshoka ga gagwe go letla ditiragalo go tswelela pele ka gore fa a ka bo a ne a ngala le go boela gae, ditiragalo di ne di tlaa khutla gona foo. (2)
- 17.8 Kutlobotlhoko – Ka ntlha ya mathata le tshotlego tse ba nang natso. (2)
- 17.9 *Gadifele* - O ne a dirisa bokao ba leina la gagwe go gomotsa bana ba gagwe gore le fa go twe tse di bosula ga di fele, ba itse gore letsatsi lengwe di tlaa fela, e bile go monate gore ba simolole ka bosula gore ba tle ba feleletse ka monate. (2)
- Emang - Gadifele o ne a dirisa bokao ba leina le go rotloetsa bana ba gagwe go ema ka dinao ba lebane le dikgwetlho tsa botshelo. (2)
- Lesego - Gadifele o ne a dirisa bokao jwa leina la 'Lesego' go kaela bana ba gagwe gore ba lesego go bo ba na le mmaabona yo o ba emang nokeng. (2)
- 17.10 Ee - ka gore o ne a sentse dikoloi tsa setlamo sa *UTC*. (2)
- 17.11 Ke ne ke tlaa mo tlhala/ke ne ke ka mo tshwarisa gore a tlamela bana/ke ne ke ka begela batsadi ba rona gore ba tsereganye bothata bo.  
(Dikarabo tsa batlhatlhojwa tse di nepagetseng di elwe tlhoko.) (2)

**[25]**

**PALOGOTLHE YA KAROLO YA C: 25**  
**PALOGOTLHE: 80**

**KAROLO YA B LE C: RUBORIKI YA TLHATLHOBO YA DITLHAMO TSA DIKWALO: PADI LE TERAMA [25 MADUO]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tliaelang	Ga a fitlhelela
<b>DITENG</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
<p>Thanolo ya setlhogo Ngangisano e e tseneletseng, katlholo le go tloganya setlhangwa</p> <p><b>15 MADUO</b></p>	<p>-Tsibogelo ka dinaledi: 14–15 -Tsibogelo e e manontlhotlho: 12–13 -Thanolo e e tseneletseng ya setlhogo -Motseletsele o o itumedisang wa dintlha tsa ngangisano, di tshegediwa ka botlalo go tswa mo dikwalong -Go tloganya mofutakwalo le setlhangwa go go manontlhotlho</p>	<p>-O bontsha go tloganya, gape o ranotse setlhogo sentle -Tsibogelo e e lekalekanang ya dintlha -Dintlha tse di utwalang tsa ngangisano, fela ga se tsothe tse di tshegeditsweng jaaka go ne go tshwanetse -Go tloganya mofutakwalo le setlhangwa go a bonala</p>	<p>-Thanolo ya setlhogo e e mo magareng, ga se diponagalo tsothe tse di tloganyang ka botlalo -Go na le dintlha dingwe tse dintle tse di tshegetsang setlhogo -Dintlha dingwe tsa ngangisano di tshegeditswe, mme fela bosupi ga bo dumelesege ka metlha -Tlogantse bontlhabongwe jwa mofutakwalo le setlhangwa</p>	<p>-Thanolo e e tliaelang ya setlhogo, ga go na le diponagalo dipe tse di tloganyang ka botlalo -Go dintlha di le mmalwa tse di tshegetsang setlhogo -Dintlha tsa ngangisano tse di maleba di dinnye thata -Go tloganya mofutakwalo le setlhangwa go gonnye thata</p>	<p>-Setlhogo ga se tlogangwe -Maiteko a a bokoa a go araba potso -Dintlha tsa ngangisano ga di dumelesege -Morutwana ga a kgona go tloganya mofutakwalo kgotsa setlhangwa</p>
<b>KAGEGO LE PUO</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
<p>Popego, kelelo e e tloganyang le tlogiso Puo, segalo le setaele tse di dirisitsweng mo tlogang</p> <p><b>10 MADUO</b></p>	<p>-Popego e e lomaganeng -Matseno le bokhutlo di manontlhotlho -Dintlha tsa ngangisano di agegile sentle -Puo, segalo le setaele di supa kgolo, di a kgatlhisa, di nepagetse</p>	<p>-Kagego e e tlogang le kelelo e e utwalang ya ngangisano -Matseno, bokhutlo le ditemana dingwe di rulagantswe sentle ka tomagano -Kelelo e e utwalang ya ngangisano -Bogolo puo, segalo le setaele di nepagetse</p>	<p>-Go na le bosupi jwa kagego -E a tloganyang le go lomagana fela e na le diphoso -Diphoso di le mmalwa tsa puo, segalo le setaele tse di nepagetseng go le go ntsi -Bontsi jwa ditema di nepagetse</p>	<p>-Popego e supa tloganyo e e fosagetseng -Dintlha tsa ngangisano ga di a rulagangwa sentle -Diphoso tsa puo di a bonala -Segalo le setaele tse di seng maleba -Ditemana di fosagetse</p>	<p>-Go tlogang ga kagego go kgoreletsa kelelo ya ngangisano -Diphoso tsa puo le setaele se se fosagetseng di tlogang setlhangwa se se sa atlegang -Segalo le setaele tse di seng maleba</p>
<b>SEELO SA MADUO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

**KAROLO YA B LE C: RUBORIKI YA TLHATLHOBO YA DITLHAMO TSA DIKWALO: PADI LE TERAMA [25 MADUO]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>DITENG</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
<p>Thanolo ya setlhogo Ngangisano e e tseneletseng, katlholo le go tloganyana setlhangwa</p> <p><b>15 MADUO</b></p>	<p>-Tsibogelo ka dinaledi: 14–15 -Tsibogelo e e manontlhotlho: 12–13 -Thanolo e e tseneletseng ya setlhogo -Motseletsele o o itumedisang wa dintlha tsa ngangisano, di tshegediwa ka botlalo go tswa mo dikwalong -Go tloganyana mofutakwalo le setlhangwa go go manontlhotlho</p>	<p>-O bontsha go tloganyana, gape o ranotse setlhogo sentle -Tsibogelo e e lekalekanang ya dintlha -Dintlha tse di utwalang tsa ngangisano, fela ga se tsothe tse di tshegeditsweng jaaka go ne go tshwanetse -Go tloganyana mofutakwalo le setlhangwa go a bonala</p>	<p>-Thanolo ya setlhogo e e mo magareng, ga se diponagalo tsothe tse di tloganyana ka botlalo -Go na le dintlha dingwe tse dintle tse di tshegetsang setlhogo -Dintlha dingwe tsa ngangisano di tshegeditswe, mme fela bosupi ga bo dumelesege ka metlha -Tlogantse bontlhabongwe jwa mofutakwalo le setlhangwa</p>	<p>-Thanolo e e tlhaelang ya setlhogo, ga go na le diponagalo dipe tse di tloganyana ka botlalo -Go dintlha di le mmalwa tse di tshegetsang setlhogo -Dintlha tsa ngangisano tse di maleba di dinnye thata -Go tloganyana mofutakwalo le setlhangwa go gonnye thata</p>	<p>-Setlhogo ga se tloganyana -Maiteko a a bokoa a go araba potso -Dintlha tsa ngangisano ga di dumelesege -Morutwana ga a kgona go tloganyana mofutakwalo kgotsa setlhangwa</p>
<b>KAGEGO LE PUO</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
<p>Popego, kelelo e e tloganyana le tlogano Puo, segalo le setaele tse di dirisitsweng mo tlogamong</p> <p><b>10 MADUO</b></p>	<p>-Popego e e lomaganeng -Matseno le bokhutlo di manontlhotlho -Dintlha tsa ngangisano di agegile sentle -Puo, segalo le setaele di supa kgolo, di a kgatlhisa, di nepagetse</p>	<p>-Kagego e e tlhamaletseng le kelelo e e utwalang ya ngangisano -Matseno, bokhutlo le ditemana dingwe di rulagantswe sentle ka tomagano -Kelelo e e utwalang ya ngangisano -Bogolo puo, segalo le setaele di nepagetse</p>	<p>-Go na le bosupi jwa kagego -E a tloganyana le go lomagana fela e na le diphoso -Diphoso di le mmalwa tsa puo, segalo le setaele tse di nepagetseng go le go ntsi -Bontsi jwa ditema di nepagetse</p>	<p>-Popego e supa tloganyana e e fosagetseng -Dintlha tsa ngangisano ga di a rulaganngwa sentle -Diphoso tsa puo di a bonala -Segalo le setaele tse di seng maleba -Ditemana di fosagetse</p>	<p>-Go tlogagala ga kagego go kgoreletsa kelelo ya ngangisano -Diphoso tsa puo le setaele se se fosagetseng di tloga setlhangwa se se sa atlegang -Segalo le setaele tse di seng maleba</p>
<b>SEELO SA MADUO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>